

Nunat Aqqinik Aalajangiisartut septemberip 22. –anni 2003, nal. 10.00
Oqaasileriffimmi ataatsimiinnerannit imaqarniliaq.

Peqataasut: Carl Chr. Olsen, Stephen Heilmann, Karl Elias Olsen, Mariane Petersen.

Nuka Møller peqquteqarluni peqataanngilaq.

Allatsigalugu: Pia N. Knudsen.

Oqaluuserisassat:

1. Ilisimatitsissutit
2. Nunat Aqqinik suliassat
3. GEUS-imik suleqateqarneq
4. Nunat assingi pillugit allattuiffissaq
5. Taasariaqartut allat

-1 pillugu-

CCO: Tikilluaqqusineq.


CCO: Dansk Polarcenterimiit John Denver Peak pillugu paasiniaasoqarmat CCO-p allaffigisimavai atsiunniarneqartoq Nunat Aqqinik Akuersisartut akuerineqarsimanngitsoq.

Aamma Hammeken pillugu paasiniaammata atsiussiniartoq Nunat Aqqinut Aalajangiisartunut saaffiginnissimanngimmat qinnutigisimanngimmagulu suliarineqarsimanngitsoq akuersissutigineqarsimanngitsorlu CCO-p nassuiaatigisimalugu oqaatigaa.

CCO: GEUS suleqatigalugu Tunup avannaarsuani nunat aqqinik suliaqarnissaq Piap ingerlatissavaa, sulinermini 40% tassunga atussavai 60%-lu allaffissornermut atussallugu.

-2 pillugu-

KEO, CCO: Siornatigut kommunikuutaartumik nunat aqqinik nalunaarsuiffimik suliarinninnissamut sulititsisoqarniaraluarmat kommunillu tamarmik immersugassanik nassinneqaraluaramik iluatsitsiffiusimanngilaq.



KEO: Karl Georg Hansen Sisimiut kommunianni nunat aqqinik suliaqartoq KEO-p siunnersorsimavaa Oqaasileriffimmut nunat aqqisa allattorsimaffiat takusasangaa.

Karl Georg Hansen suliffimminit tunuarmat Sisimiut Tusaataata suliaq ingerlat-eqqissallugu pilersaaruteqartoq, tassanilu Aalipak Augustusen suliamik ingerlat-itsisussatut piukkunneqartoq KEO-p oqaatigaa.

SH: Nunat aqqisa kommunikkaartumik suliarineqarnissaannut KNR teknikki eqqarsaatigalugu peqataasinnaanersoq misissussallugu SH oqarpoq.

CCO: Nunat aqqisa nalunaarsorneqarnissaat Nunat Aqqinik Aalajangiisartut akissussaaffigaaat CCO-p eqqaavaa, nalunaarsuinermit atatillugu tiimimusi-alimmik sulisitsisoqarsinnaanera qarasaasiamullu immiussisoqarsinnaanera Nunat Aqqinik Aalajangiisartut siunissami iluaqutigissagaat CCO-p oqaatigaataaq.

KEO: Nunat aqqi pioreersut, iluarsisariallit, nalunaarsorneqarsimanngitsullu suuneri ilitersuusiaralugit suliarineqarsinnaasut KEO-p siunnersuutigaa. Kommunikuutaartumik nalunaarsuiffiit Nunat Aqqinik Aalajangiisartunut nas-siunneqarpata NAA-p atuagaarannguanngorlugit ilitersuusiarisinnaangai KEO-p oqaatigaa.

CCO: Nalunaarsuiffiliornissami ataatsimik periuseqarnissaq suliniutaassasoq CCO-p oqaatigaa.

-3 pillugu-


CCO: GEUS suleqatigalugu Tunup avannaarsuani nunat aqqisa allattorsimaner-inik misissuinissaq decemberip aallaqqaataat nallertinnagu piariissasoq CCO-p ilisimatsitsissutigaa.

GEUS-p ortofotografi atorlugu nunap assiliorsimasoq nunallu assinginik Oqaasi-leriffimmut nassiussisimasoq CCO-p oqaatigaa.

CCO: Nunat Aqqinik Aalajangiisartut nunat aqqi inuit najugaanniinngisut danskisut atserneqarsimasut allanngortinneqassanngitsut aalajangernikuugaat CCO-p oqaatigaa.

CCO: CCO-p Naja Mikkelsen-illu (GEUS) neriutigaat, Tunup avannaarsuani nu-nat aqqisa allattorneqarneri nunallu assinganik sananeq iluatsittumik naammas-sineqassappata siunissami kitaani nunap assiliortoqassasoq.

-4 pillugu-



KEO: GFI-p isersimaartarfiani aalisartut piniartullu isersimaartarfianni nunap assinganik (Nuup eqqaatalu assinganik) taarserneqarsinnaasumik peqalernissaa KEO-p siunnersuutigaa.

Aalisartut piniartullu naqqitassaqaraangamik allattuiffigalugu iluarsaassinnaasaannik.

Siunnersuutimini siunertaraa nunat aqqisa kukkusumik allattorneqarsimasut iluarsaanneqarnissaat aammalu.

CCO: Kortinik taarserneqarsinnaasunik immikkoortukkuutaartunillu akuttungitsunillu (nakkutigineqarlutik) taarserneqartartussanik sanatitsisoqarsinnaasoq CCO oqarpoq.

Sanatitsisinnanermi Asiaq suleqatiserineqarsinnaasoq CCO-p oqaatigaattaaq.

CCO: Suliassaq pillugu Asiaq saaffigineqassaaq.

Nunat aqqisa kukkusumik naqqeqinneqartarnerat unitsinniarlugu Namminersornerullutik Oqartussat Danmarks kontor aammalu KIIIP paasiniaaffigineqassapput kikkut saaffigineqassanersut.

- 5 pillugu-

SH-p aamma KEO-p ukiaq manna tusagassiutitigut aallakaatitsisarneq pillugu Nunat Aqqinik Aalajangiisartut periarfissaannik misissuissapput.

**Ataatsimiinnissaq tulleggissaq ataatsinngornermi oktobarip 14.-anni 2003,
nal 10.00 Oqaasileriffimmi**

Carl Chr. Olsen
Siulittaasoq

Pia N. Knudsen
Allatsi